

CÒPIA



COMUNE DE PUTUMAJORE
PROVÌNTZIA DE TÀTARI

**VERBALE DE
DELIBERATZIONE DE SA
GIUNTA COMUNALE**

Delibera 70 de su 24-06-2019

Ogetu: **Adesione de su Comune de Putumajore a su cuncursu fotogràficu *Wiki Loves Monuments* Itàlia.**

S'annu duamìgia e deghennoe sa die bintibator de su mese de làmpadas a sas 13:10, in sa sala de sas adunàntzias, acumpridas totus sas formalidades prevididas dae sa lege in vigèntzia, sunt istados cunvocados sos cumponentes de sa Giunta Comunale.

A s'apellu resurtant:

Soro Mariano	Sìndigu	P
Aranzanu Antonella	Assessore	P
Mannu Luisa	Vitze Sìndigu	P
Marchesi Pierluigi	Assessore	A
Spanu Bernardo	Assessore	A

Totale presentes n. 3 e ausentes n. 2.

Partètzipat a s'adunàntzia su Vitze Segretàriu Comunale Dut.ra Antonella Iervolino chi pruvìdit a redatzionare custu verbale.

Essende legale su nùmeru de sos interbènnidos, su Sen. Mariano Soro in sa calidade sua de Sìndigu leat sa presidèntzia e de crarat aberta sa setziada pro trattare sa chistione indicada in s'ogetu.

SA GIUNTA COMUNALE

Bida sa nota di *Wikimedia Itàlia* achisida a su protocollu cun n. 5736 in data 12.06.2019, chi invitat sos Entes in indiritzu a partetzipare a su progetu "Wiki Loves Monuments Italia", chi est unu concursu fotogràficu chi interessat sos tzitadinos e los invitat a documentare su patrimoniu culturale de sos tzitadinos cun fotogràfias dadas cun sa litzèntzia libera Creative Commons "Attribuzione Condividi allo stesso modo" (a s'ghire CC-BY-SA 4.0), organizadu dae *Wikimedia Italia*, iniziativa chi at sa punna de isparghinare dae una parte sa connoschèntzia de sa legislazione chi b'est in relata a sa fotogràfia de panorama, gasi comente codificada dae su Decretu Urbani (art. 107 e 108 de su D.Lgs. 42/2004) e dae s'"Art Bonus" (DL 83/2014), cunforma a sa cale non si podent fàghere fotogràfias de monumentos (mancari fora de copyright) e dare-lis torra litzèntzia de impreu *Creative Commons CC-BY-SA* sena un'autorizzazione pretzisa dae parte de sos entes pùblicos territoriales chi apant in cunsigna cussos benes o de privados chi nde siant proprietarios.

Bidas sas normas de partetzipazione a su concursu, gasi comente acraridas in su giassu de iniziativa "Wiki Loves Monuments Itàlia", chi previdint sa partetzipazione dae parte de chie cuncurret dae su 01.09.2019 a su 30.09.2019, cun fotografias chi podent èssere istadas fatas in cale si siat momentu in antis a cussu in cue si càrrigant *online*;

Averiguadu chi s'adesione a s'iniziativa non cajonat òneres a càrrigu de su bilàntziu comunale e chi sas fotografias carrigadas dae sos concurrentes ant a diventare patrimoniu comune, ca s'ant a pòdere iscarrigare a manera libera e impreare dae su portale *Wikimedia Itàlia*;

Averiguadu puru chi a partetzipazione de su Comune de Putumajore a s'iniziativa s'at a perfetzionare cando s'ant a identificare a manera puntuale sos giassos e sos monumentos de proprietade, cuntzedende una liberatoria pro sas riprodutziones fotogràficas de onni bene identificadu e invitende a carrigare sas fotogràfias fatas in su giassu *Wikimedia Commons* cunforma a sa litzèntzia CC-BY-SA 4.0;

Leada a cunsideru s'oportunidade de aderire a s'iniziativa a incumentzare dae s'annu 2019, cun adesione chi s'at a leare a cunsideru comente bàlida puru pro sas editziones de su concursu chi ant a s'ghire, finas a cando s'Ente a manera crara no at a pèdire de nd'èssere esclùdidu, providende a un'aggiornamentu dàbile de sa lista de sos giassos e de sos monumentos chi a manera libera s'ant a pòdere fotografare pro mèdiu de currispondèntzia tra sas partes;

Ritènnidu in finis de promòvere s'adesione a su progetu dae parte de sos privados e entes chi, in su territòriu comunale, ant benes o monumentos de balore istòricu-artisticu mannu;

Achisidu su parre a favore de regularidade tècnica de sa cale a s'art. 49 de su D. Lgs 267 de su 18/08/2000 comente mudadu dae sa Lege 213/2012 espressadu dae su Responsàbile de su Servìtziu Afares Generales;

Relevadu chi custa deliberazione non cajonat òneres riflessos deretos o non, subra de sa situatzione econòmicu-finanziària de s'Ente e chi duncas non s'achisit su parre de su Responsàbile de su Servìtziu Econòmicu-Finanziàriu in mèritu a sa regularidade contàbile, cunforma a sos art. 49, 147su de duos e 153, comma 4, de su D.lgs. 267/2000;

Bidu s'Istatutu Comunale;

Averiguada sa cumpetèntzia pròpria cunforma a s'art. 48 de su D.lgs 18.08.2000

n. 267; Cun votos totu de acordu che pare

DELÌBERAT

- 1. De aderire** dae s'editzione 2019 a su progetu "Wiki Loves Monuments Italia", su concursu fotogràficu chi interessat sos tzitadinos e los invitat a documentare su patrimoniu culturale cun fotogràfias dadas cun sa litzèntzia libera *Creative Commons* "Attribuzione condividi allo stesso modo" (a s'ghire CC-BY-SA 4.0), cun s'elencu de sos giassos e monumentos allegados a custu atu pro nde fàghere parte integrante e sustanziale.
- 2. De apostigare** chi s'adesione s'at a leare a cunsideru comente bàlida puru pro sas àteras editziones de su concursu, finas a cando s'Ente no at a pedire a manera crara de nd'èssere esclùdidu.
- 3. De incarrigare** su Responsàbile de su Servìtziu Afares Generales a s'acumpridura de sas cosas chi cunsighint a custu atu, inclùdida sa publitzidade de s'iniziativa e su monitoràgiu cun sa finalidade de regollire sas fotografias chi ant a èssere carrigadas in su *portale* Wikimedia relativas a sos benes de

n.70 de su 24-06-2019

sos cales a s'allegadu, sa promotzione a s'adesione de sos benes de proprietade de sos privados e s'imbiu a sa Segretèria de su progetu "Wiki Loves Monuments" de sas liberatòrias e autorizatziones regortas in adesione a su progetu;.

4. **De dare atu** chi custu pruvedimentu non cajonat òneres a càrrigu de su bilàntziu comunale.
5. **De dare atu** chi custa deliberatzione at a èssere publicada in sa setzione Amministratzione Trasparente, a sa boghe “Provvedimenti” in acumpridura de su d.lgs. n. 33 de su 14/03/2013 in matèria de trasparèntzia amministrativa.

Cun àtera votatzione totu de acordu che pare:

DELÌBERAT

De decrarare, custa deliberatzione urgente e luego esecutàbile cunforma a s'art. 134, comma 4, de su Decretu legislativu 18 de austu 2000, n. 267.

Custu verbale est lèghidu, aprovalu e sutascritu.

Su Sindigu
F.du Sen. Mariano Soro

Su Vitze Segretàriu Comunale
F.du Dut.ra Antonella Iervolino

**PARRES DE SOS CALES A S'ART. 49 De su D.lgs.
18/08/2000 N. 267**

Parres a favore pro su chi pertocat sa Regularidade tècnica a pitzu de sa proposta a custa deliberatzione.

SU RESPONSÀBILE DE SU SERVÌTZIU
F.du Dut.ra Antonella Iervolino

Su sutascritu, responsàbile de su servìtziu de sa publicatzione a s'albu pretòriu, bidos sos atos de ufìtziu, atestat chi custa deliberatzione est istada afissada pro bìndighi dies sighidas dae su 26-06-2019 a su 11-07-2019

Putumajore, 26-06-2019

Su Vitze Segretàriu Comunale
F.du Dut.ra Antonella Iervolino

Su sutascritu, bidos sos atos de ufìtziu

ATESTAT

chi custa deliberatzione est diventada luego esecutàbile sa die 24-06-2019:
- ca decrada luego esecutàbile (art. 134, c. 2, D.lgs. n. 267/2000);

Putumajore, 26-06-2019

Su Vitze Segretàriu Comunale
F.du Dut.ra Antonella Iervolino

Est còpia cunforma a s'originale pro impreu amministrativu.

Putumajore, 26-06-2019

Su Vitze Segretàriu Comunale
F.du Dut.ra Antonella Iervolino